



Diario

E MATUTINO DI ARUBA

Abonado pa luna Afl. 19,00*Pa ehemlar 80 cent* aña 12/No. 3473

DAILUNA 3 FEBRUARI 1992

Spanto di candela na prome piso

MOMENTO DI PANICO NA HOSPITAL



Un publico grandi ayera tardi a presencia otro spectaculo pero e biaha aki den e parti infantil y hubenil, unda cu e chikitinnan a demostra e grandinan cu nan ta mihor prepara y cu sin ningun problema. Manera Presidente di Carnavil Hubenil a bisa, esaki ta di 10 aña cu e comision ta organiza e contest di Children Roadmarch Contest y cu sin duda tabata un exito retundo. Como Roadmarch King infantil a keda e hobencito Mighty Jojo y di e parti hubenil Mighty Head.

HOMBER Y MUHER DETENI DEN CASO DI FRAUDE

ORANJESTAD.(AAN) Na momentonan aki recherche tin varios persona deteni den un caso grandi di fraude cu material di construcion.

Segun informe, pa basta tempo caba lo tabata tin sospecho cu e compania lo tabata sinti faltadi material di contruccion entre otro blokki.

Ta asina tambe cu ultimo simannan recherche ta in-

troga varios empleado di e negochi di benta di blokki.

E suma cu ta ser menciona ta alrededor di mas di mey milyon florin.

Siman pasa algun detencion a cay den e investigacion aki, interogacion ta sigi ketu bay.

Den e personanan deteni tin hende muher tambe cu lo a ser intoroga.

CUARTETO SORPRENDI CU COCAINA DEN HOTEL

ORANJESTAD.(AAN):--- Den curso di fin di siman personal di departamento di droga a drenta den accion, na un hotel na Playa caminda nan lo a detene 4 homber procedente di Sto.Domingo.

Nan a ser sorprendi ora cu nan tabata hinca Cocaina den saco chikito di plastic.

E cantidad di droga confiscada ta ser calcula na casi un

kilo puro di Cocaina.

Un investigacion profundo ta ser hasi den e caso aki pa por saca afor con e droga lo por a drenta Aruba tambe.

E Dominicanonan a ser sorprendi ora cu porta a habri riba nan y no a keda nada otro pa hisa man na laira y para keto y no move un milimeter.

ATRACO CU CUCHIO DEN CASINO GRANDI BOTICARIO CU VACACION A HAYA RETIRO AEROPUERTO SIN TELECOMUNICACION